



釋摩訶衍論卷第十

共十一

八波
806
10

純如



明
波
806
卷
10



807

釋摩訶衍論卷第十

龍樹菩薩造



初日

已說讚歎三昧功德門次說兩輪具闕益損
門本曰

復次若人唯修於止則心沉沒或起懈怠不
樂衆善遠離大悲是故修觀修習觀者當觀

一切世間有為之法無得久停須臾變懷一
切心行念念生滅以是故若應觀過去所念
諸法恍惚如夢應觀現在所念諸法猶如電
光應觀未來所念諸法猶如浮雲忽尔而起
應觀世間一切有身悉皆不淨種種穢汙無
一可樂如是當念一切衆生從無始世來皆

因無明所熏習故令心生滅已受一切身心
大苦現在即有無量逼迫未來世苦亦無分
齊難捨難離而不覺知衆生如是甚為可愍
作此思惟即應勇猛立大誓願願令我心離
分別故遍於十方修行一切諸善功德盡其
未來以無量方便救拔一切苦惱衆生令得

涅槃第一義樂以起如是願故於一切時一
切處所有衆善隨已堪能捨修學心無懈
怠唯除坐時專念於止若餘一切悉當觀察
應作不應作若行若住若卧若起皆應止觀
俱行所謂雖念諸法自性不生而復即念因
緣和合善惡之業苦樂等報不失不壞雖念

因緣善惡業報而亦即念性不可得若修止
者對治凡夫住著世間能捨二乘怯弱之見
若修觀者對治二乘不起大悲狹劣心過遠
離凡夫不修善根以此義故是止觀門共相
助成不相捨離若止觀不具則無能入菩提
之道

論曰就此文中即有六門云何為六一者示
闕觀止輪尖門二者顯示修行觀輪門三者
緣衆生界立願門四者兩輪俱轉不離門五
者顯示兩輪所治門六者惣結兩輪俱轉門
是名為六就第一門中則有四過失云何為
四一者沉淪過失其心昧略不能覺了如入

論十

摩健訶尸闇室中故如木復次若人唯修於
止則心沉沒故二者不勤過失其心懈怠不
能精進如阿那毗提人故如木或起懈怠故
三者背善過失其心專一不能分別應作不
應作如婆多訶弥尸人故如木不樂衆善故
四者離悲過失其心安寂不能發起大慈悲

心如壞根人所自欲中更不增故如本遠離
 大悲故是故修觀者則是觀俱轉已說示關
 觀止輪失門次說顯示修行觀輪門就此門
 中則有三門云何為三一者苦相觀門二者
 無常觀門三者不淨觀門是名為三就初苦
 相觀門中則有二種云何為二一者壞苦二

者行苦言壞苦者一切有為清淨法能壞一
 切不清淨法亦一切諸不清淨法能壞一切
 清淨法故復次二種世間互相破壞故云何
 為二一者具足一切世間二者妄想有為世
 間如是二種世間之法相破壞故是故說言
 壞苦而已若修此觀當得何利所謂成就一

自作一甚深法故如本修習觀者當觀一切
世間有爲之法無得以停須臾變壞故言行
苦者一切心行於念念中常恒遷轉速生速
滅不能從此處至于彼處故如本一切心行
念念生滅以是故苦故已說苦相觀門次說
無常觀門就此門中則有三種云何爲三
一者已過無常過去諸法前有後無譬如彼夢
熟眠時有已乃覺悟時無有故如本應觀過
去所念諸法恍惚如夢故二者今有無常現
在諸法古無今有譬如電光即時便滅不能
久停故如本應觀現在所念諸法猶如電光
故三者當有無常未來諸法無有自性而忽

然至辟如浮雲不知有所而忽然起遍十方
故如本應觀未來所念諸法猶如浮雲忽然
而起故已說無常觀門次說不淨觀門言不
淨觀門者緣種種身作不淨解遠離貪故如
本應觀世間一切有身皆悉不淨種種穢汙
無一可樂故已說顯示修行觀輪門次說緣

衆生界立願門就此門中即有二種云何爲
二一者緣衆生作思惟門二者建立誓願遍
布門是名爲二言緣衆生作思惟門者所謂
緣三界中無量無邊一切衆生作如是念從
無始來根本無明所覆藏故棄背自本覺清
淨佛歸原無日出無明藏更復時遠我若不

發悲心，不攝取者，又之又之，唯過劫數取，正
覺期實無其際，發起無邊大悲心，故如本如
是當念一切衆生從無始世來皆因無明所
熏習，故令心生滅已受一切身心大苦，現在
則有無量逼迫未來世苦亦無分齊難捨難
離而不覺知衆生如是甚爲可愍，故言建立

誓願遍布門者，所謂作如是思惟已訖，則立
大誓願，起十方世界之微塵數光明般若，達
十方世界之微塵數種種心相對治十方世
界之微塵數一切諸煩惱業障，海圓滿十方
世界之微塵數行因海，證得十方世界之微
塵數果德，皆悉令無餘，故如本作此思惟，則

應勇猛立大誓願願令我心離分別故遍於
十方修行一切諸善功德盡其未來以無量
方便救拔一切苦惱衆生令得涅槃第一義
樂故已說緣衆生界立願門次說兩輪俱轉
不離門所謂起如是願已訖則直修習行因
之海故若起願海不勤修行不能莊嚴圓滿

三日

果故若爲修行當如何耶謂具兩輪全無偏
故具兩輪相何契經中分明顯示謂文殊師
利發起十萬一千種甚深廣大圓滿陀羅尼
開問問大覺尊益大衆海契經彼契經中如
何說耶所謂彼契經中作如是說尔時文殊
師利即白佛言世尊云何名爲止觀俱行不

相離門我及一切無量無邊大衆之海皆悉
入於不知不覺無明之海不能通達不能出
離如且世尊爲欲我等諸迷子女分明顯示
尔時世尊即告文殊師利言諦聽諦聽善思
念之我當爲汝分別解說於是世尊則說伽
陀言

譬如闕翼鳥及一輪之車一足人同分闕艱險之馬
燕有高遠翔隨所應運載其道路遊行不墮惡趣坑
若具足一輪闕一輪行者亦復如是知以其實無有
法性虛空中乘如量智翔入於法藏海運載義理寶
真如平道中周遍通遊行一切魔外道邪見深坑中
不墮隨坑故是故諸行者兩輪具足轉終不可捨離

若有修行者不真此兩輪終不能通達無上大覺地
今此經文為明何義謂為顯示修習三昧達
寂靜境修習智慧照散動境在寂靜中常不
捨動在散亂中常不捨寂而不相捨離俱行
俱轉故復次為欲顯示修習三昧達空無境
修習智慧照在有境在空不著有在不染

無有無雙照無有偏邊而不相捨離俱行俱
轉故復次為欲顯示修習三昧達平等理修
習智慧照差別事理事雙達無有偏邊而不
相捨離俱行俱轉故復次為欲顯示止當待
觀方得建立非自性止觀當待止方得建立
非自性觀亦無有止亦無觀故復次為欲顯

示止則是觀觀則是止止觀一體無差別故
如其次第應審思擇如本以起如是願故於
一切時一切處所有衆善隨已堪能不捨修
學心無懈怠唯除坐時專念於止若餘一切
悉當觀察應作不應作若行若住若卧若起
皆應止觀俱行所謂雖念諸法自性不生而

論十

後則念因緣和合善惡之業苦樂等報不失
不壞雖念因緣善惡業報而亦則念性不可
得故已說兩輪俱轉不離門次說顯示兩輪
所治門若有行者修習止輪當為對治何過
失耶謂為對治凡夫衆生著有過失二乘衆
生樂空過失俱絕離故如本若修止者對治

凡夫住著世間能捨二乘怯弱之見故若有
行者修習觀輪當爲對治何過失耶謂爲對
治二乘衆生遠離大悲不救衆苦下劣過失
凡夫衆生常恒懈怠不能精進不修善品樂
惡過失俱出離故如本若修觀者對治二乘
不起大悲狹劣心過遠離凡夫不修善根故

已說顯示兩輪所治門次說惣結兩輪俱轉
門所謂惣結如上所說輪關行者大過失故
如本以此義故是止觀門共相助成不相捨
離若止觀不具則無能入菩提之道故

已說兩輪具闕益損門次說勸劣向勝不退

門本曰

復次衆生初學是法欲求正信其心怯弱以
住於此娑婆世界自畏不能常值諸佛親蒙
供養懼謂信心難可成就意欲退者當知如
來有勝方便攝護信心謂以專意念佛因緣
隨願得生他方佛土常見於佛未離惡道如
修多羅說若人專念西方極樂世界阿彌陀

論十

二

佛所修善根迴向願求生彼世界即得往生
常見佛故終無有退若觀彼佛真如法身常
勤修習畢竟得生住正定故

論曰就此文中即有七門云何爲七一者顯
示趣向假人門二者歸依所學教法門三者
厭惡處所退信門四者如來方便殊勝門五

者兼力得勝妙處門六者得善處定不退門
七者引經證自所說門是名爲七言顯示趣
向假人門者所謂顯示得十信位前四種心
更不勝進下品衆生故如本復次衆生故言
歸依所學教法門者彼十信位下品衆生歸
依甚深無極大乘初學習故所謂一切諸佛
所師三世不動四相不遷自然常住地前地
上大道路故如本初學是法故言默惡處所
退信門者彼十信位下品衆生雖親聽受甚
深法門而其心根極下劣故怖二大事不能
勝進爲欲退故云何爲二一者國土二者勝
緣言國土者即此娑婆世界處所處惡衆生

濁亂發起淨心為勤修行甚極切難故所以
者何於彼心中違逆境界於一切時於一切
處常恒現前進心向中不捨離故言勝緣者
於此世界依止濁亂一切諸佛出世極妙無
量菩薩赴感時節極遠諸佛菩薩出現於世
隨順清心之鏡淨不淨故以此義故彼修行

者不值勝緣極怖畏故發退意耳如木欲求
正信其心怯弱以住於此娑婆世界自畏不
能常值諸佛親兼供養懼謂信心難可成就
意欲退者故言如來方便殊勝門者謂諸如
來有不可思議甚深極妙大方便故能善攝
護彼人信心轉勝進故云何名為勝妙方便

所謂專念如來方便云何專念謂專注意憶
念他方淨土種種依正其念相續令不絕故
如本當知如來有勝方便攝護信心謂以專
意念佛因緣故言兼力得勝妙處門者以諸
如來不可思議方便力故隨自所願則得往
生妙樂土故如本隨願得生他方佛土故言

得善處定不退門者生彼土已眼見如來具
相好像耳聞聖說深妙梵音永離惡名從定
不動心海澄淨身體明白依妙正清故如本
常見於佛永離惡道故言引經證自所說門
者所謂該攝說相屬當經本之辭贊自所說
解釋文故所引經文說相明故不須重釋加

不如修多羅說若人專念西方極樂世界阿
彌陀佛所修善根迴向願求生彼世界則得
往生常見佛故終無有退若觀彼佛真如法
身常勤修習畢竟得生住正定故故

六日

已說修行信心分次說勸修利益分

本曰如是摩訶衍諸佛秋藏我已惣說若有

衆生欲於如來甚深境界得生正信遠離誹
謗入大乘道當持此論思量修習究竟能至
無上之道若人聞是法已不生怯弱當知此
人定紹佛種必為諸佛之所授記假使有人
能化三千大千世界滿中衆生令行十善不
知有人於一食頃正思此法過前功德不可

爲喻復次若人受持此論觀察修行若一日
一夜所有功德無量無邊不可得說假令十
方一切諸佛各於無量無邊阿僧祇劫歎其
功德亦不能盡何以故謂法性功德無有盡
故此人功德亦復如是無有邊際其有衆生
於此論中毀謗不信所獲罪報經無量劫受

大苦惱是故衆生但應仰信不應誹謗以深
自害亦害他人斷絕一切三寶之種以一切
如來皆依此法得涅槃故一切菩薩因之修
行入佛智故當知過去菩薩已依此法得成
淨信現在菩薩今依此法得成淨信未來菩
薩當依此法得成淨信是故衆生應勤修學

論曰就此文中則有八門云何爲八一考舉
前所說惣結門二者舉益勸人令修門三者
顯離疑信功德門四者此類爲對示勝門五
者舉受持功讚揚門六者舉誅謗過令怖門
七者殊勝廣說離謗門八者惣結修行勸人
門是名爲八言舉前所說惣結門者謂以一

惣字惣結八種摩訶衍故何故餘法略不結
焉所謂舉本攝其末故如本如是摩訶衍諸
佛秘藏我已惣說故言舉益勸人令修門者
所謂集成行因之海而爲莊嚴法身之果受
持此論思惟義理常恆相續不斷絕故如本
若有衆生欲於如來甚深境界得生正信遠

離誹謗入大乘道當持此論思量修習究竟
能至無上之道故言顯離疑信功德門者謂
有衆生聞此摩訶衍之甚深極妙廣大法門
已即其心中亦不疑畏亦不怯弱亦不輕賤
亦不誹謗發決定心發堅固心發尊重心發
變信心當知是人實真佛子不斷法種不斷

僧種不斷佛種常恒相續轉轉增長盡於未
來亦為諸佛親所授記亦為一切無量菩薩
之所護念故如本若人間是法已不生怯弱
當知是人定紹佛種必為諸佛之所授記故
言比類為對示勝門者謂若有人能善攝化
三千大千世界中遍滿衆生皆悉無餘令行

十善或有衆生於一食項於此甚深法觀察
思量若校量此二人功德彼第一人所得功
德甚極微妙譬如芥子碎作百分一分之量
此第二人所得功德甚極廣大譬如碎十方
世界微塵數量故如承假使有人能化三千
大千世界滿中衆生令行十善不如有人於

七日

一食項正思此法過前功德不可爲喻故言
舉受持功讚揚門者謂若有人受持此論觀
察義理若一日若一夜中間所得功德無量
無邊不可言說不可思量若假使十方三世
一切諸佛十方三世一切諸菩薩以十方世
界微塵數舌各各皆悉於十方世界微塵數

之量不可說劫讚揚其人所有功德亦不能
盡所以者何法身真如之功德等虛空界無
邊際故何況凡夫二乘之人能稱歎之一日
一夜不多中間受持人尚所得功德不可思
議何況若二日若三日乃至百日中受持讀
誦思惟觀察不可思議中不可思議不可說

中不可說故如本復次若人受持此論觀察
修行若一日一夜所有功德無量無邊不可
得說假令十方一切諸佛各於無量無邊阿
僧祇劫歎其功德亦不能盡何以故謂法性
功德無有盡故此人功德亦復如是無有邊
際故言舉誹謗過令怖門者謂有衆生於此

論教生不信心破謗不行如是衆生所得罪
報於諸不可說不可說劫中受苦中之重大
苦故如本其有衆生於此論中毀謗不信所
獲罪報經無量劫受大苦惱故是故衆生但
應仰信不應誹謗者則是愆結上說決擇勸
請行者自此已下作其因緣示重過失謂比

法中不信誹謗失自善根損他功德斷絕一
切三寶之種無續期故如本以深自害亦害
他人斷絕一切三寶之種故言殊勝廣說離
謗門者謂十方三世諸如來一切皆悉以塵
訶衍爲其根本成正覺故十方三世無量菩
薩一切皆悉以塵訶衍爲其根本具因海故

如是重深摩訶衍法若有衆生生不信心諱
論誹謗如是衆生亦名斷伐一切諸佛亦名
斷伐一切菩薩亦名斷絕自如來藏本覺佛
故如本以一切如來皆依此法得涅槃故一
切菩薩因之修行入佛智故當知過去菩薩
已依此法得成淨信現在菩薩今依此法得

成淨信未來菩薩當依此法得成淨信故是
故衆生應勤修學者即是懇結修行勸人門
應審思擇

八日

已說勸修利益門次說迴向遍布門本曰
諸佛甚深廣大義 我今隨分懇持說
迴此功德如法性 普利一切衆生界

論曰就此一頌中即有三種門云何名爲三種門耶一者攝前所說惣結門二者展舒功德令廣門三者施於衆生普利門是名爲三就初門中則有二種云何爲二一者通惣攝前所說門二者顯示能說字相門如其次第應審觀察諸佛甚深廣大義者則是通惣攝

前所說門所謂通攝三十三種本數法故此義云何言諸佛者則是不二摩訶衍法所以者何此不二法形於彼佛其德勝故大本花嚴契經中作如是說其圓圓海德諸佛勝其一切佛不能成就圓圓海劣故若尔何故分流花嚴契經中作如是說盧舍那佛三種也

間為其身心三種世間攝法無餘彼佛身心
亦復無有所不攝焉盧舍那佛雖攝三世間
而攝不攝故是故無過言甚深者即是兩重
八種摩訶衍之本法以何義故名為甚深如
是兩重摩訶衍法能入門望極甚深故以此
義故立其甚深稱應審思釋言廣大義者則是

兩重能入門法以何義故名廣大義如是兩
重能入門法皆悉各各能廣自法能大自法
能為自法作名義故以此義故建立廣大義
名字焉已說通惣攝前所說門次說顯示能
說字相門言我今隨分惣持說者即是顯示
能說字相門謂以惣字通持一切種種說故

立義分中摩訶衍者想則是焉歟何故一字
通持諸說為欲顯示摩訶衍論如意論故已
說攝前所說想結門次說展舒功德令廣門
言迴此功德如法性者則是展舒功德令廣
門謂自所作之功德迴向三處故云何為三
一者真如二者一心法三者本覺佛性是名

為三以何義故迴向三處謂為欲自所作功
德令平等故迴向真如或為欲自所作功德
令廣大故迴向一心或為欲自所作功德令
明了故迴向本覺應如是知應如是觀如是
迴向有何利益謂衆多故此義云何譬如用
一微塵置大地中所置微塵與彼大地等無

差別迴向法門亦如是故又譬如用一注水
置大海中所置水注與彼大海等無差別迴
向法門亦如是故又譬如破一小有即便與
大虛空等無差別迴向法門亦如是故已說
展舒功德令廣門次說施於衆生普利門言
普利一切衆生界者則是施於衆生普利門

十日

謂舉廣大圓滿功德周遍利益衆生界故
歡喜大士至心勸
我已超毛頭三角
第一無數粗滿訖
如耳汝等諸佛子
捧於水釋之明鏡
無量佛子衆海中
過於生死之四根
第二僧祇始入
以於左右之兩手
臨七識散盡之面

見六塵境界之垢。
汝等佛子若如是
如舒伊字圓現前
如入達池具出生
下入大海龍宮殿
想有一百洛叉數

洗法執人我之咎
法身應化之三身
常樂我淨之四德
我從四王自在處
隨分窺諸契經海
如是諸經真實法

無量無邊差別義
該攝安立具足說
若自手捧斯論卷
若自口經誦本分
此人所得之功德
諸佛及大菩薩衆

摩訶衍論立義中
有善男子善女人
名捧百洛叉經者
名誦百洛叉經者
十方世界微塵數
各出微塵數舌相

如是微塵數劫中
何況觀察其義理
有善男子善女人
此人所得之罪業
諸佛及大菩薩衆
如是微塵數劫中

不息稱說不能盡
思惟文下之所詮
生不信心謗斯論
十方世界微塵數
各出微塵數舌相
不息說過不能盡

是人往罪滅無所
是故行者歸本原
實不可生不信心
當願此勸遠流布

一切諸佛不能救
當依斯論應修行
誹謗甚深大乘教
過於重重不說刹

釋摩訶衍論卷第十終

酬四息之廣德興三寶之妙道此吾
願也云云加之竊窺窳鑽仰之窓徒
疲書寫校合之勞漬既踈于文義諧
誦之學業因茲且奉守 高祖之遺
誠且爲扶末學之替古謹開印板敬
報祖德矣于時建長八年二月日

論一

高野山金剛佛子快賢

洛陽書林 前川茂右衛門

新編叢書 前代文獻卷四

新編叢書 前代文獻卷四

七

